



14 NOV, 2024

Taktik lapuk kanto

Harian Metro, Malaysia



Page 1 of 2

Taktik lapuk kanto

JKDM rampas 5.82 juta batang rokok putih bernilai RM4.4 juta

Oleh Samadi Ahmad
am@hmetro.com.my

Sepang

Taktik sindiket ialah dengan mengikrar barangan dagangan dalam in-vois sebagai papan pemo- tong, kotak kertas, beg ker- tas beli-belah dan tekstil,” kata Penolong Ketua Pen- garah Kastam JKDM Zon Tengah Norlela Ismail, se- malam.

Terdahulu, pada sidang media, Norlela memak- lumkan, Jabatan Kastam Diraja Malaysia (JKDM) merampas 5.82 juta batang rokok putih bernilai lebih RM4.4 juta pada serbuan di lima lokasi berasingan, se- panjang Oktober lalu.

Tiga daripada serbuan dijalankan di Zon Perda-

ngan Bebas (FCZ) Lapa- ngan Terbang Antarabang- sa Kuala Lumpur (KLIA) dan dua lagi masing-ma- sing di Pelabuhan Barat, Pelabuhan Klang dan se- buah gudang di Selat Klang Utama.

Menurut be- liau, pada ser- buan pertama 27 September lalu, pemerik- saan dijalan- kan ke atas se- buah gudang di Selat Klang Uta- ma menemukan 960,000 batang rokok pu- tih.

“Dalam operasi itu, seo- rang lelaki tempatan be- rusia 38 tahun ditahan. Siasatan mendapati, rokok putih itu menunggu masa untuk dihantar ke lokasi ditentukan menggunakan

lori syarikat penghanta- ran,” katanya.

Norlela berkata, pada masa sama, pemeriksaan ke atas tiga Kargo Terminal Operator (CTO) di FCZ KLIA pada 2 dan 7 Oktober lalu me- nemukan

752,200 ba- tang rokok putih.

Menurut- nya, ia diper- cayai untuk dieksport ke rantau Oceania dan Eropah berda- sarkan penemuan alamat destinasi akhir pada do- kumen berkaitan.

“Pada 16 Oktober lalu, kami menemukan 4.16 juta batang rokok putih dalam sebuah kontena di Pelabu- han Barat, Pelabuhan Klang untuk pasaran tem-

patan,” katanya.

Menurut Norlela, taktik diguna sindiket ialah mengimport rokok putih melalui Pelabuhan Klang dan dibawa keluar ke ka- wasan utama kastam (KUK).

Ia kemudiannya dibawa ke gudang transit sebelum dihantar ke lokasi peng- hantaran ditetapkan.

“Dagangan juga cuba di- seludup keluar bersa- ma-sama bungkusan me- ngandungi akhbar lama dan selimut untuk meng- elak dikesan pihak berkua- sa.

“Kes disiasat mengikut Peraturan-Peraturan Zon Bebas 30(1) Akta Zon Bebas 1990, Seksyen 135(1)(a) dan Seksyen 135 (1)(d) Akta Kastam 1967 dan Seksyen 74(1)(a) Akta Eksesais 1976,” katanya.

“
Rokok putih itu
menunggu masa
untuk dihantar ke
lokasi ditentukan
Norlela



14 NOV, 2024

Taktik lapuk kanto

Harian Metro, Malaysia



SUMMARIES

JKDM rampas 5.82 juta batang rokok putih bernilai RM4.4 juta

S epang “Taktik sindiket ialah dengan mengikrar barangan dagangan dalam invoice sebagai papan pemotong, kotak kertas, beg kertas beli-belah dan tekstil,” kata Penolong Ketua Pengarah Kastam JKDM Zon Tengah Norlela Ismail, semalam. Terdahulu, pada sidang media, Norlela memaklumkan, Jabatan Kastam Diraja Malaysia (JKDM) merampas 5.82 juta batang rokok putih bernilai lebih RM4.4 juta pada serbuan di lima lokasi berasingan, sepanjang Oktober lalu.